



古今事文類聚

前集

四十四卷之四十一

~~99  
18~~

道通文庫  
文庫 6  
28  
18







新編古今事文類聚前集卷之四十四

建安 祝穆 和父 編

金陵 唐富春 子和 刊

樂生部

# 生辰

詳見誕子及壽門 同庚附

羣書要語誕彌厥月生民乃寢乃興乃占我夢吉夢維何維熊  
 維羆男子之祥維虺維蛇女子之祥乃生男子載衣之裳載弄  
 之璋乃生女子載衣之裼載弄之瓦斯于子生男子設弧於門  
 右內則男子生桑弧蓬矢以射天地四方射義山川氣候彰白  
 武於臯繇象緯休徵下蒼龍於蔓壼盈川集

事類文類聚前集

卷之四十四



同庚與吾同物左

詩句何事共生壬子歲老於崔相及劉郎白集注予與崔劉同

年紫綬白髭鬚同年二老夫樂天喜見劉夔得舊遊到處皆倉

蘇同申惟君尚黑頭坡

古今事實

生空桑中

伊尹生乎空桑注云伊尹母居伊水之上既孕夢有神告之曰  
曰水出而東走無顧明日視曰水出告其鄰東走十里而顧視  
其邑盡為水身因化為空桑有莘氏女子採桑得空兒于空桑  
之中故命之伊尹而獻其君令庖人養之長而賢為殷湯相列

維嶽降神

嵩高維嶽峻極于天維嶽降神生甫及申維申及甫維周之翰

紱麟

孔子生之夜有二蒼龍自天而下有二神女擎香霧於空中以  
沐徵在先是五老列於庭則五星之精又有麟吐玉書於闕  
里人家云水精之子系衰周而素王故二龍遶室五星降庭徵  
在以繡紱繫麟角及夫子將終抱麟解紱而泣拾遺記

饋鯉

孔鯉生有人饋金鯉記室新書

陸地生蓮

關令尹喜生時其家陸地自生蓮華光色鮮盛關令內傳

事類彙編前集



揆余初度

屈原離騷云帝高陽之苗裔兮朕皇考曰伯庸攝提貞于孟陬兮惟庚寅吾以降皇覽揆余以初度兮肇錫余以嘉名余曰正則兮字余曰靈均紛吾既有此內美兮又重之以脩能

天星孕秀

蕭何昴星精 張良感弧星生 樊噲感狼星生 李白之生母夢長庚星

雌甲辰

裴晉公有遺以槐瘿者郎中庾威在坐曰此是雌樹生者公問郎中年甲對云與公同是甲辰公笑曰郎中便是雌甲辰雞跖天上麒麟

徐陵字孝穆母臧氏嘗夢五色雲化而為鳳集左肩上已而誕陵焉時有寶誌上人者世稱其有道陵年數歲家人携以候之寶誌手摩其頂曰天上石麒麟也

生丙子

唐張果常言我生堯之丙子歲

小戊子

程文惠與龐公同戊子生程已貴龐尚為小官常戲龐曰君乃小戊子矣後龐太拜文惠曰今日大戊子却為小戊子矣東軒獨獻范蠡圖

陳恭公判亳州遇生日親戚多獻老人星圖姪世脩獨獻范蠡遊五湖圖且贊曰賢哉陶朱伯越平吳名遂身退扁舟五湖公



卽日納節明年乞致仕倦遊錄

丞相放生

光祿卿鞏申伎而好進老為省判趨附不已王荆公為相每遇  
生日朝士獻詩頌僧道獻功德疏以為壽臯吏走卒皆籠雀鴿  
就宅放之謂之放生申不閑詩什又不能誦經於是以太籠貯  
雀鴿諸客次指笏開籠每放一鴿雀叩齒祝之曰願相公一百  
二十歲時有邊塞之主妻病而虞侯割股以獻者天下駭笑或  
對曰虞侯為縣君割股太卿與丞相放生東軒筆錄

悲喜不同

伊川先生曰人無父母生日當倍悲痛更安忍置酒張樂以為  
樂若其慶者可矣

太宴近駭

寇萊公在藩鎮嘗因生日造山棚太宴又服用僭侈為人所奏  
上怒甚謂王且曰寇準每事欲効朕可乎且徐對曰準誠賢能  
無如駭何上意解遂不問

同日相賀

以下係同庚

漢高祖與盧縮同日生里中持羊酒賀兩家本傳

顧悅蒲柳

顧悅與簡文同年而早白簡文問曰卿何以先老答曰蒲柳之  
質望秋先零松柏之姿經霜猶茂世說

同庚齊名

鍾瑾與李膺同年俱有聲名漢質紀



有無通共

吳周瑜字公瑾舒人初孫堅與義兵策字伯符將母徙居舒與瑜同年友善瑜推道南大宅舍策拜母有無通共

小一月生

曹公責孫權質子張昭等猶豫不能決權引周瑜請母前定議權母曰公瑾議是也公瑾與伯符同年小一月耳汝其兄事之

同年為兄

許遠與張巡同年生日後於巡呼之為兄韓愈作張巡傳

後一日生

史寧子即思明與安祿山先後一日生及長相親愛皆為互市牙郎通鑑

同年皆窮

馬正卿字夢得作太學正清苦有氣節余偶至其齋書杜子美秋風歎一篇初無意也正卿即日辭歸至今白首窮餓守節如故又曰夢得與僕同歲月生少僕八日是歲生者無富貴人而僕與夢得為窮之冠即吾二人而觀之當推夢得為首東坡志林

同宗同甲

李正澹與李宗諤同宗同甲後一日而生平日休戚一同宗諤死澹後一日卒玉壺清話

同庚俱貴

王仲儀與呂寶臣俱以丁未生申公在相位仲儀三十餘歲龍



圖閣待制知渭州時西方有警令三師選差神龍衛千兵送行  
更候迓吏騶御之盛前此未有往別申公申公顧左右喚十二  
郎來即寶臣也公曰仲儀今擁千兵擢帥汝猶為堯庫也仲儀  
既去申公徐曰汝無羨後十年却於汝手作差遣治平初寶臣  
擢樞密院副使仲儀復以端明殿學士為渭帥聞見錄

古今文集

雜著

謝陳提刑壽詩啓 壬戌

周子克

解九夏之齋自恣誤投於憲網校中元之籍長生敢擬於仙曹  
未瞻使者之繡衣先拜美人之錦段妙甚唐賢之律申之史克  
之言何臺治之俶臨為部民而加禮歌明月之章於赤壁諒因

歲日之俱同穆清風之誦於東方敬祝牡鸞之遄返

一云靈均初度之嘉走無是也魏野中元之句公則過之

謝吳運使壽詩啓

周子克

答其用冠萊公文潞公事渠致仕而歸蓋已卯宣

城所解貢士

繼萊國而生已愧中元之句憶宣城之舊更驚四紀之年會華  
節之遄歸禱雅詞而下屬雖洛陽耆德不稱擬倫然復道燕居  
幸同休追願歌赤壁共指清風在欣感以交懷非叙陳之能既

回豐清壽詩啓

周子克

誦哀父母之詩每感左垂之日讀寡兄弟之禮况當右拱之時  
曾未釋於端憂敢與聞於贊喜伏蒙某官嘸枯意重漱潤才清



篤聯事之至情致執謙之善頌既邁吉甫穆如之作又形仲尼  
仁者之言申以醪牽重之儀物敬恭而實兼備於未將正則而  
均有光於初度其爲心感尚俟面陳

謝許監丞壽詩啓 與予同歲渠長 丁月 周子充

庚威雌甲辰敢攀壽駕公瑾小十月適契吾宗過軫高情曲形  
盛禮賦兩詩而寵甚及二丙以欣然憶元豐壬戌之明年有潞  
公丙午之盛集今幸密鄰於几杖阻陪高會於笑談 綸與其子  
皆丙午生來詩及二丙

謝人投壽詩啓 朱元晦

年及無聞已負蓬弧之志日臨初度復增我尉之悲誤辱謙光  
俯加賁飾顧茲衰朽雖黼黻以何施仰歎瑰竒用襲藏而爲好

回壽詩啓

傅景仁

大塊勞我以生辰之安在君子愛人以德譽乃過情茲蓋其官  
惠顧陳人寵光初度寒知松柏儻獲保於後彫報匪瓊瑤第弗  
諛於未好

古詩

三星行

韓愈

東坡志林韓退之詩我生之辰月宿南斗乃知退  
之磨蝎爲身官僕以磨蝎爲命官平生多得謗譽  
始同病也

我生之辰月宿南斗牛奮其角箕張其口牛不見服箱斗不挹  
酒漿箕獨有神靈無時停簸揚無善名以聞無惡聲以謹名聲



相乘除得少失有餘三星各在天什伍東西陳嗟汝半與斗故  
獨不能神

壽韓平原

陸務觀

珥貂中使傳天語一片飛塵驚輦路清霜粲瓦初作寒天爲明  
時生帝輔黃金飾奩雕玉觴上尊御食傳恩光紫駝之峯玄熊  
掌不數沙上千群羊通天寶帶連城價受賜雍容看拜下神皇  
外孫風骨殊凜凜英姿不容畫問今何人致太平平地萬里皆  
春耕身會風雲手扶日異姓真王功第一

壽叔父致政南極老人歌

楊廷秀

淡溪居士登九齡朱顏綠髮如後生橫拖仙人綠玉杖倒誦上  
帝黃庭經璇霄仙籍書姓名丹霞染誥金花綾近來更覺雙眼

明夜抄蠅頭窓下燈登山臨水兩脚輕御風騎氣不用行何人  
有筆筆無塵搗溪一幅爲寫真烏紗白苧坐鼓琴上有千歲長  
松青令威旁舞玄夫聽箇是活底南極老人星

律詩

壽冠相公

魏野

嶽瀆精英氣來鍾積慶門何時生上相明日是中元仙藥寧無  
種靈椿別有根佇期三入後一品見玄孫

壽周益公

李商叟

天佑熙朝世產賢承平舊業至今傳萊公少避中元日潞國同  
生丙午年翰墨獨傳千古祕聲名岷在二公先功成野服平園  
去要伴靈龜巢碧蓮



又

昨夜微雲聚，大清銀河映帶。壽星明，祥開碧落中元節。人頌昇平上相，生天上，異恩尊帝傅。洛陽好事，寫耆英，長身獨樂園中。老疑是平園舊弟兄。

又

袖中勲業拂雲煙，筆底文章響澗泉。已是貴為天下宰，不妨長作地行仙。蟻浮玉友，秋初熟，鵲報銀河月正圓。滿引壽觴，今夜看相星重入太微垣。

壽詞

水龍吟

蘇子瞻

古來雲海茫茫，道山絳闕知何處。人間自有赤城居士，龍蟠鳳

舉清淨無為，坐忘遺照。八篇奇語，向玉霄東望，蓬萊瑤室有雲。駕駿風，馭行盡九州四海笑。紛紛落花飛絮，隨江一見，謫仙風采。無言心許，八表神遊，浩然相對。酒酣箕踞，待垂天賦就，騎鯨路穩，約相將去。

最高樓壽洪內翰七十

辛幼安

金闥老眉壽正，如川七十且華筵。樂天詩句香山裏，杜陵酒債曲江邊。問何如，歌窈窕，舞嬋娟。更十歲，太公方出將，又十歲，武公方入相。留盛事，看明年，直須腰下添金印。莫教頭上欠貂蟬。向人間，長富貴，地行仙。

沁園春

辛幼安

甲子相高，亥首曾疑。絳縣老人看長身，玉立鶴般風度。方頤鬢



礫虎樣精神。文爛卿雲。詩凌鮑謝。筆勢駸駸。夏右軍。渾餘事。庚  
仙都夢覺金闕名存。晴前父老忻忻。煥奎閣新。褒詔語溫。記它  
年惟懼。須依日月。只今劍履。快上星辰。人道陰功。天教多壽。看  
到貂蟬七葉。孫君家裏。是幾枝丹桂。幾樹靈椿。

鵲橋仙 慶吾母八十

辛幼安

八旬慶會。人間盛事。齊勸一盃春釀。烟脂小字。點眉間。猶記得  
舊時官樣。絲衣更看功名富貴。直過太公以上。大家着意。記新  
詞。遇着箇十年便唱。

詩話

縣令生日

開寶中有神泉縣令。姓張。外施。蕭。內極。令。員。瀆。一日榜縣門。示

某月某日知縣生日。告示諸色人。不得饋送。有曹吏曰。宰君明  
言生日。欲我輩知也。衆曰。然。至日各持練。獻之。曰。續壽衣。宰亦  
無所拒。後又告示曰。後月某日縣君生日。仍前不受饋送。吏復  
持練以獻焉。時王崑賦。警鷺詩以諷之。曰。飛來疑是鶴。下處却  
尋魚。

獻老子圖

錢穆文。尹。天府生日。楊次公畫老子出關圖。作詩以獻。曰。秘藏  
函谷關中子。來獻蓬萊閣上僊。願得鬚眉如此老。却教龜鶴等  
長年。雲齋錄。

為同甲會 係同庚

文潞公居洛日年七十八。同時中散大夫程珣。朝議大夫司馬



且司封郎中致仕席汝言年皆七十八嘗為同甲之會各賦詩  
潞公詩曰四人三百二十歲況是同生甲午年占得深園為賦  
客舍成商嶺採芝仙清談宜登風生席素髮蕭蕭雪滿肩此會  
從來誠未有洛中應作畫圖傳筆談

### 幼悟

羣書要語幼子常視無誑曲禮孩提之童無不知愛其親者孟

子  
**詩句**覓句新知律攤書解滿床試吟青玉案莫羨白羅裳杜示  
宗武小兒弄筆不能噴泥壁書寫且賞動劉禹錫閑來案上翻  
墨汁塗抹詩書似老鴉盧仝少長聚嬉戲不殊同隊魚韓愈

### 古今事賞

生而岐嶷

后稷生於姜嫄實覃始能坐實訂張口厥聲載路克岐楚人克  
疑識人意以就口食

戲陳俎豆

孔子為兒嬉戲常戲陳俎豆禮容史記孟子事見教子門

互鄉潔已

互鄉難與言童子見門人惑子曰與其進也不與其退也唯何  
甚人潔已以進與其潔也不保其往也述而

闕黨童子將命

闕黨童子將命或問之曰益者與子曰吾見其居於位也見其

善文直躬行美



與先生並行也。非求益者也。欲速成者也。意問

羈貫成童

谷梁云子生羈貫成童不就師父之罪也。羈貫謂交午剪髮也。

與我玄文 見年齒門

果取小者

孔融兄弟七人嘗共食棗曰我小兒法當取小者

對曰遠近

晉明帝數歲元帝抱置膝前屬長安使來因問汝謂日與長安孰遠對曰長安近不聞人從日邊來居然可知也元帝異之明日宴群僚又問之對曰日近元帝失色曰何乃異問者之言對曰舉目則見日不見長安由是益奇之

一座盡驚

王粲字仲宣蔡邕見而奇之時邕才學顯著貴重朝廷車騎填門賓客盈坐聞粲在門倒屣迎之既至年幼容狀短小一座盡驚

龍駒鳳雛

陸機陸雲幼時吳尚書廣陵閔鴻見而奇之曰此兒若非龍駒當是鳳雛 本傳

戲知優劣

王僧虔父曇首與兄弟會集子孫任其戲適僧達跳下地作形于時僧虔累十二博碁既不墜落亦不再作僧綽採蠟燭珠為鳳凰僧達奪取打壞亦復不惜伯父弘嘆曰僧達俊爽當不減

事文類聚前集 卷之四十四 十一



入然亡吾家者終此子也僧虔必至公知僧綽或以名義見美  
或云僧虔採燭珠為鳳弘稱其長者

因戲見志見桑門

戲為營陣

趙犢兒弄時好為營陣行列自號令指顧群兒無敢亂父叔文  
見之曰是當大吾門

以缸秤象

魏鄧哀王冲字倉舒武帝子也孫權致大象太祖欲知其斤重  
倉舒曰置象大缸之上刻其水永痕所至稱物載之則校可知  
矣太祖大悅即施行之  
弱不好弄

傅夷吾弱不好弄弱幼弄戲也 王潜幼莊重不喜兒弄

江夏黃童

黃香幼岐嶷人語曰天下無雙江夏黃童

呼為小友

張九齡與嚴挺之蕭誠善嚴勁而蕭佞九齡方命左右召蕭李  
泌號為奇童在旁率爾曰公起布衣以直道至宰相而喜軟羨  
者乎九齡驚改容謝之因呼小友

蘭茁其芽

馬燧幼子娟好靜秀瑤瓊瑜珥蘭茁其芽韓作基誌

擊甕小兒

司馬溫公童稚時與群兒戲於庭庭有大甕一兒登之足跌沒

事文類聚前集 卷之四十四 十三



水中群兒棄去公以石擊甕水因定而遊兒得不死其活人手  
段已見齧齧中至今京洛間多為不兒擊甕圖冷齋夜話

水灌出毬

文潞公少時與群兒擊毬毬入樹穴中不能取以水灌得毬出  
識者知其不凡

執帽不濡

杜祁公行父早卒遺腹生其祖愛之幼時祖父脫帽使公執之  
會山水暴至家人散走其姑投一竿與之使挾以自泛公一手  
執帽漂流久之得免而帽竟不濡記聞

古今文集

古詩

徐卿二子歌

杜甫

君不見徐卿二子生絕奇感應吉夢相追隨孔子釋氏親抱送  
金是天上麒麟兒大兒九齡色清澈秋水為神玉為骨小兒五  
歲氣食牛蒲堂賓客皆回頭吾知徐公百不憂積善之家必生公  
侯丈夫生兒有如此二雛者名位豈肯卑微休

詩話

數歲不言

楊文公億數歲不能言一日家人抱登樓偶觸其首便能語遂  
吟詩云危樓高百尺手可摘星辰不敢高聲語恐驚天上人

老

古今文集

古今文集

古今文集



羣書要語

物微諒茲養髮則罔所愆番番良士旅力既行我尚

存之秦誓石蜡曰老夫耄矣無能為也隱四余髮如此種種余

奚能為同上諺所謂老將至而耄及之昭元班白者不負戴於

道路孟老冉冉其將至兮恐脩名之不立楚言黃髮為元龜邊

遜傳黃髮兒齒閔官黃者台背行常槁項黃馘列子雁眉鶴髮

柳文頭童齒豁韓文鶴髮雞皮庾信竹林賦始見二毛潘岳賦

桑榆之景理無遠照選日薄西山氣息奄奄李表見我龍鍾故

相戲耳裴度傳崦嵫暮景歐文

詩句少壯不努力老大徒傷悲選衰髮霜供白愁顏酒借紅鄭

谷白髮千莖雪丹心一寸灰杜垂白馮唐老杜白首壯心違杜

龍鍾二千石嚴武

古今事實

老人擊壤

帝堯之時有老人擊壤於路曰吾日出而作日入而息擊壤而飲耕田而食帝何力於我哉通曆

天下大老

孟子曰伯夷避紂居北海之濱聞文王作興曰盍歸乎來吾聞西伯善養老者太公避紂居東海之濱聞文王作興曰盍歸乎來吾聞西伯善養老者一老者天下之大老也

之武老矣

晉侯秦伯圍鄭佚之狐言於鄭伯曰國危矣若使燭之武見秦君師必退公從之辭曰臣之壯也猶不如人今老矣無能為也

事類彙編前集

卷之四

十五



已。公曰。吾不能戰。用子。今急而求子。是寡人之過也。遂見秦伯。  
云云。秦伯說。與鄭人盟。襄三十

楚丘何老

楚丘先生行年七十。披裘帶索。見孟嘗君。君曰。先生老矣。春秋  
高矣。多遺忘矣。何以教之。楚丘曰。噫。將使我追車而赴馬乎。投  
石而超距乎。逐麋鹿而搏虎豹乎。吾已死矣。何暇老矣。將使我  
出正詞而當諸侯乎。決嫌疑而定猶豫乎。吾始壯矣。何老之有。  
新序

蕪頰遺矢

蕪頰既老。飯斗米肉十斤。被甲上馬。以示可用。趙使郭開曰。蕪  
將軍雖老。尚善飯。然與臣坐頃時。三遺矢矣。

王剪何怯

秦始皇謂王剪曰。將軍老矣。何怯也。

馮唐為郎

馮唐以老為郎。文帝輦過。問曰。父老何自為郎。唐謂從何處來。  
為郎。

顏驕不遇

顏驕。漢文帝時為郎。至武帝輦過。郎署見驕。龐眉皓髮。上問曰。  
叟何時為郎。何其老也。答曰。臣文帝時為郎。文帝好文而臣好  
武。至景帝好美。而臣貌醜。陛下好少而臣已老。是以三世不遇。  
上擢拜會稽都尉。

扶杖聽詔

事文類聚前集卷一百一十一



主父逆施

主父偃上書召見武帝拜郎中歲中四遷至中大夫公卿皆畏其口賂遺累千金或說偃曰大橫偃曰臣結髮游學四十年身不得遂親不以爲子昆弟不收賓客棄我我昵日又矣大丈夫生不五鼎食死則五鼎烹耳吾日暮故倒行而逆施之

文國上圖

馬援翼鏢

並見年齒門

生入玉關

班超自以久在絕域年老思土上疏曰太公封齊五世葬周孤死首丘代馬依風夫周齊同在中土千里之間况於遠處絕域小臣能無首丘依風之思哉臣不敢望到酒泉郡但願生入玉

明關帝乃徵還

高允墜車

後魏高允年漸期頤志識無損孝文以爲光祿大夫其年有事西郊詔御馬車迎允就觀馬忽驚奔車覆傷眉帝遣醫療護司鸞將處重生允放無恙乞免其罪先是命中黃門蘇興壽扶持允曾雪中遇天驚倒扶者大懼允慰勉之不以上聞

喬琳耳聾

唐喬琳衰老耳聾上或時訪問應對失次

公然一婆

有一郎官年老冒勝妾數人髮白令妻妾互鑷之妻忌其少爲群妾所脫去其黑者妾欲其少乃去其白者未幾願領遂空

事文類聚前集

卷之四十四

十七



又進士李居仁益摘白鬚其友驚曰昔則瞠然一翁今則公然  
一婆 遇齋閑覽

古今文集

雜著

老而貪功

以功名為心貪軍旅之寄此自將帥習氣雖古來賢卿大夫未  
有能知正自歛者也廉頗既老飯斗米肉十斤披甲上馬以示  
可用致困郭開之口終不得召漢武帝大擊匈奴李廣數自請  
行上以為老不許良久乃許之卒有東道失軍之罪宣帝時先  
零卷反趙充國年七十餘上老之使丙吉問誰可將曰亡踰於  
老臣者矣即馳至金城圖上方畧雖全師制勝而禍及其子也

光武時五溪蠻夷畔馬援請行帝愍其老未許援自請曰臣尚  
能被甲上馬帝令試之援據鞍顧盼以示可用帝曰矍鑠哉是  
翁也遂用為將果有壺頭之厄李靖為相以足疾就第會吐谷  
渾寇邊即往見房喬曰吾雖老尚堪一行既平其國而有高齋  
生誣罔之事幾於不免太宗將伐遼召入謂曰高麗未服公亦  
有意乎對曰今疾雖衰陛下誠不棄病且瘳矣帝憫其老不許  
郭子儀年八十餘猶為關內副元帥朔方河中節度不求退身  
竟為德宗冊罷此諸公皆人傑也猶不免此之其下者乎 答齋  
隨筆

福榮堂記

楊廷秀

紹熙五年慈陰海福皇太后聖壽八十迺春王三朝皇帝鳴和

事文類聚前集

卷之四十四

十八



變備法駕督燕與陳天行朝于慈福宮奉觴上千萬歲壽  
是日壽皇拜前皇帝拜後嘉王又拜後四世重慶三宮辭洽怡  
怡愉愉如也縛禮告竣慈顏有喜皇帝若曰有吳傅臨克篤宋  
祐佑我王母受茲介福施及家邦予一人敢專饗其錫類介  
資以及入老惟臣若士若民父母高年者賜爵有差於是太學  
生員吉州太和縣進士胡箋父臣認封迪功郎致仕母歐陽氏  
孺人贊書寵嘉命服淵耀邑里交賀族親相艷乃扁其中堂命  
曰福榮以侈君賜取諸贊書語也維吉之胡其先肇自五季避  
地寔來其別有二若資政殿學士忠簡公是爲值夏之胡其祖  
伯也若諱衍策慶曆六年第仕至朝奉大夫者是爲大和南城  
之胡其祖仲也若箋之父子是爲黃漕之胡其祖季也伏而未

騫汨而未昭其騫其昭不在箋乎惟諮里居有賢稱嗜義若渴  
教子若琢坊而箋也允迪其教用勵其業將以樹其家而亢其  
宗與九州四海之豪英角其能於上庠而屢書于月成焉繫皇  
上錫類之恩配于丕天曷云報將欲報稱不在移所以孝於親  
者以忠於君乎君家資政忠簡大忠高節動天地貫日月也師  
之則是學之則至其勿曰吾家子雲而外求焉則幾矣豈惟報  
其君亦惟報其親三月旣望記

古詩

榮水

陶潛

榮水念將老也日月推遷已復有夏總角聞道白首無成采  
采榮水結根于茲晨暉其華夕已喪之人生若寄顧領有時靜

事文類聚

卷之四十一



言孔念中心悵而采采榮木于茲託根繁華朝起慨暮不存貞  
脆由入禍福無門匪道骨依匪善奚敢嗟余小子稟茲固陋徂  
年既流業不增舊志彼不捨安此日富我之懷矣但為內疾先  
師遺訓余豈云墜四十無聞斯不足畏脂我名車策我名驥千  
里雖遙孰敢不至

浩歌行

白居易

天長地久無終畢昨夜今朝又明白髮髮蒼浪牙齒疎不覺身  
年四十七前去五十有幾年把鏡照面心茫然既無長繩繫白  
日又無大藥駐朱顏朱顏日夜不如故青史功名在何處欲留  
年少待富貴富貴不來年少去去復去如長河東流赴海無  
迴波賢愚貴賤同歸盡北邙塚墓高嵯峨古來如此非獨我

苑有酒具高歌顏回短命伯夷餓我今所得亦已多功名富貴  
須待命命若不來知奈何

有所思

朱之問

洛陽城東桃李花飛來飛去落誰家幽閨兒女惜顏色坐見落  
花長嘆息今年花落顏色改明年花開復誰在已見松柏摧為  
薪更聞桑田變成海古人無復洛城東今人還對落花風年年  
歲歲花相似歲歲年年人不同寄言全盛紅顏子須憐半謝白  
頭翁此翁白頭真可憐伊昔紅顏美少年公子王孫芳樹下清  
歌妙舞落花前光祿池臺文錦綉將軍樓閣畫神仙一朝財病  
無人識三春行樂在誰邊宛轉蛾眉能幾時須更鶴髮亂如絲  
但看古來歌舞地惟有黃昏鳥雀飛



老表也

薛逢

惆悵人生不滿百，一事無成頭雪白。迴看幻累與老妻，俱是塗中遠行客。匣中舊鏡照膽明，昔曾鑒我髭未生。朝巾暮櫛不自省，老皮皺皺文縱橫。合掌髻子蒜許大，此日方知非是我。暗數七旬能幾何，不覺中腸熱如火。老去也爭奈何，敲酒盞唱短歌。短歌未竟日已沒，月映西南庭樹柯。

短歌行

張籍

青夫蕩蕩高且虛，上有白日無根株。流光暫出還入地，使我年少不須臾。與君相逢勿寂寞，衰老不復如今樂。玉卮盛酒置君前，再拜願君千萬年。

律詩

村南逢病叟

耿滄

雙膝過頰頂，在肩四鄰知。姓不知年，昨驅烏雀惜。未忝大恐請，係無社錢。

代鄰叟

竇鞏

年來七十罷耕桑，就暖支羸強下床。滿眼兒孫身外事，閑梳白髮向斜陽。

新編古今事文類聚前集卷之四十四終







督中經常也養生是謂長生又視之道老子歐一世之民躋仁

壽之域王吉傳狼北地有大星曰南極老人見則治平主壽昌

天文志龜千年乃游於蓮葉之上鶴千歲乃投於偃蓋之松史

記大椿蟠桃見聖壽門

詩句八荒開壽域杜

古今事實

廣成子千二百歲

廣成子曰無勞爾形無搖爾精乃可以長生故我脩身千二百歲形未嘗衰

彭祖歷三代

彭祖堯臣封於彭城歷虞夏至商年七百歲故以久壽聞述而

注

千歲眉壽

闕宮頌僖公俾爾昌而大俾爾耆而艾萬有千歲眉壽無有害天錫魯公純嘏眉壽保魯居常與許復周公之宇魯侯燕喜令妻壽母宜大夫庶士邦國是有既多受祉黃髮兒齒

老二百餘歲

老子二百餘歲以其脩道而養壽也

色若孺子

南作子葵問女偶曰子之年長矣而色若孺子曰吾聞道矣莊

摩銅狄人

後漢薊子訓與三老共摩銅狄人相謂曰適見鑄此物而



事類彙編前集 卷之四十五  
已近五百歲

吞氣九千歲

東方朔元封中游鴻蒙之澤忽遇老母采桑於白海之濱俄而有黃眉翁指母以語朔曰昔為吾妻託形於太白之精今汝亦此精也吾却食吞氣已九千餘歲目中瞳子皆有青光能見幽隱之物三千年一返骨洗髓三千年一剥皮代毛吾生來已三洗髓一代毛矣

龜息必壽

唐袁天綱李嶠同宿袁聽嶠息在耳中賀曰郎君貴壽此龜息也

香山九老

白居易暮節感浮屠至經月不食葷稱香山居士常與胡象等燕樂皆高年不仕者人慕之繪為九老圖

至道九老

李文正公昉罷相後只居京師以司空致仕至道元年七十一矣思白樂天洛中九老之會且交游中有此數曰太子中允張好問年八十五太常少卿李運年八十故相吏部尚書宋琪廬州節度副使武允成皆年七十九吳僧贊寧年七十八郢州刺史魏石年七十六諫議大夫楊徽之年七十五水部郎中朱昂與昉皆七十一欲繼其事為宴集會蜀寇起而罷其中兩宰相乃着二僧唐世及元豐著英所無也次年李公即世此事竟不成老老康寧相與燕嬉於升平之世而雅懷非逐造物豈亦吝



此耶容齋隨筆

洛陽耆英

元豐五年文潞公以太尉留守西都時富韓公以司徒致仕潞公慕唐白樂天九老會乃集洛中公卿大夫年德高者為耆英會以洛中風俗尚齒不尚官就資聖院建大厦曰耆英堂命閩人鄭與繪像堂中共十三人詩見于後時宣徽使王拱辰留守北京貽書潞公願與其會年七十一獨司馬溫公年未七十潞公素重其人用唐九老狄蕪故事請入會溫公辭以晚進不敢班又富二公之後潞公不從令鄭與自幕後傳溫公像又之北京傳王公像於是預其會者凡十三人潞公以地主携鼓樂就富公宅作第一會至富公會送羊酒不出餘皆次為會洛陽

多名園古刹有水竹林亭之勝諸老鬚眉皓白衣冠甚偉每宴集都人隨觀之潞公又為同甲會司馬郎中且程大中珣席司封汝言皆丙午也詩見同庚門亦繪像於資聖院其後司馬溫公與數公又為真率會詩見于後有約酒不過五行食不過五味唯菜無限楚正議遺約增飲食之數罰一會皆洛陽太平盛事也洛之士庶又生祠潞公於資聖院溫公取神宗送公判河南詩隸于榜曰矧瞻堂塑公像其中冠劍儼然都人事之甚肅聞見錄

貴而且壽

張退傳文懿士遜趙少保叔平槩張樞相昇皆壽八十六陳丞相文惠堯佐壽八十二杜丞相正獻衍壽八十一富丞相文忠

事類彙編卷之四十五



弼壽八十五。贈政退傳詩曰：青雲岐路遊，將徧白髮光陰得。最多青箱雜記。

飲菊水

東坡云：舊說南陽有菊水，水其而芳，居民三十餘家飲其水，皆壽。或至百二三十歲。蜀青城山老人村有見五世孫者，道路峻遠，生不識鹽醯，而溪中多枸杞，根如龍蛇，飲其水，故壽。近歲道稍通，漸能致五味，而壽亦益衰。

古今文集

雜著

壽域碑

王元之

古聖人之營壽域也，非土木非版築，不金乎城，不湯乎池，豈無

鍵而闔，夜無柝而擊，東西不吾戎夷，南北不吾蠻狄，五嶽其雉堞，四溟其溝漘，天地離合，我其肩鏞，春秋啓閉，我其門戶。入是域也，幼者蚍蚍壯者怡怡，老者熙熙，悉無中絕，咸躋上壽。故謂之壽域焉。得非道為土木，德為版築，仁乎城義乎池，慈乎雉堞，愛乎溝漘，恭乎肩鏞，儉乎門戶，使風雨不能毀，矢石不能攻，高低侔老氏之臺，廣狹法華胥之國，崇崇焉屹屹焉，信善建而不拔者也。洎霸道既昌，皇風不競，則必灑法令為風雨以驅之，興賦役為矢石以攻之。壽域之基忽焉委地，於戲域之壞也。若民命何，于是賤穀帛，費金玉，盜賊蠡起，數斂角張，刑集蔽空，憲網絡野。壽域之民有以法而死者，開拓疆場，肆放侵伐，鋒鏑霜雪，卒乘鱗集，鮫吞鼓頰，蠶食張吻。壽域之民有以兵而死者，煙蒸



霧障發厲成妖壽域之民有以夭而死者山豨搏人水蟲射影  
壽域之民有以穉而死者王者患民之無壽也舉引年之典行  
養老之禮乞言於東序展禮於南庠又謂老者非帛不煖於是  
乎錫之以几杖斯亦得其末而失其本矣殊不知民之壽夭繫  
君之政教其猶影響爾其或捐金于山沉珠于泉禁不急之務  
棄難得之貨君德尚儉人心返淳則無法死者矣于羽舞階不  
予倒載謹不祥之器崇止敵之基我國無外斯民不爭則無兵  
死者矣燮和律曆端正節候舉授時之典興除害之利五穀豐  
順兆人克寧則無夭死者矣貢金于遠方鑄鼎于中夏示不實  
之物免逢旃之患彼惟斯露厥人用康則無橫死者矣夫如是  
則域不繁而自成人不憂而自壽矣今我后道德慈愛行之於

上法兵天橫絕之於下游游乎蕩蕩乎見壽域復成於今世某  
亦壽域中之一民耳知我帝力得無述焉碑者悲也悲域之中  
廢頌域之再興也其辭曰古之域築道樹德民欲天兮安得後  
之域基好址賊民欲壽兮不獲我聖人兮復于古豈  
古詩

唐九老詩并序

白居易

會昌五年三月二十四日胡吉劉鄭盧張等六賢皆多年壽予  
亦次焉於東都散居履道坊合尚齒之會士老相顧既醉且歡  
靜而思之此會希有因各賦七言韻詩一章以記之或傳諸好  
事者其年夏又有二老年貌絕倫同歸故鄉亦來斯會續命貫  
姓名年齒寫其形貌附于圖右仍以絕贈之云雪作鬚眉荷



作衣遼東華表暮雙歸當時一鶴尤希有何况今逢兩令威會中遺老李元爽年一百三十六禪僧如滿歸洛年九十五又云時祕書狄兼謨河南尹盧貞以年未及七十雖與會而不及列

前懷州司馬安定胡杲年八十九

閑居同會在三春大抵愚年最出群霜髮不嫌盃酒興白頭仍愛玉爐熏徘徊玩柳心尤健大看花意却勤大繁落滿斟探酌大香囊高掛任氤氳搜神得句題紅紙大景長吟對白雲今日交情何不替齊年同事聖明君

衛尉卿致仕馮翊吉叟年八十八

休官罷任已閑居林苑園亭興有餘對酒最宜花藻發邀歡不厭柳條初低腰醉舞垂緋袖擊筇謳歌任褐裾大用管絃來合

雜自親松竹且清虛飛觥酒到頭先酌賦韻詩成不往書借得商山賢四皓不知此後更何如

前磁州刺史廣平劉真年八十七

垂絲今日幸回筵朱紫居身是大年賞景賞知心未退吟詩猶覺力完全閑庭飲酒當三月在席權豪象大七賢山茗煮時秋霧碧玉盃斟處彩霞鮮臨堦花笑如歌妓傍竹松聲當管絃大雖未學窮生死訣人間豈不是神仙

前龍武軍長史榮陽鄭據年八十五

東閣幽閒日暮春邀懽皆是白頭賓官班朱紫多相似年紀高低次第勻聯句每言松竹意大停盃多說古今人更無外事來心肺空有清虛入鬼神醉舞兩迴迎勸酒狂歌一曲會余身大今朝



何事偏情重同作明時列任臣

前侍御史內供奉官范陽盧真年八十二

三春已盡洛陽宮天氣初晴景象中千朵嫩桃迎曉日萬株垂柳逐和風非論官位皆相似及至年高已共同對酒歌聲猶覺妙玩花詩思可能窮先時共作三朝貴今日猶逢七老翁但把綠醪常滿酌煙霞萬里會應通

前永州刺史清河張渾年七十七

幽草春盡共為權印綬居身是太官遁跡豈勞登遠岫垂絲何必坐溪磻詩聯六韻尤應易酒飲三盃未覺難每况襟懷同賞會共將心事比波瀾風吹野柳懸羅帶日照庭花落綺紈此席不煩鋪錦帳斯筵堪作畫圖看

刑部尚書致仕白居易年七十四

七八五百八十四拖紫紵朱垂白鬢囊裏無金莫嘆樽中有酒且歡娛吟成六韻神還旺飲到三盃氣尚粗莫栽在歌教婢拍婆姿醉舞遣孫扶天年高邁二疎傳人數多於四皓圖除却三山五天竺人間此會且應無

睢陽五老圖詩并序

錢明逸

夫蹈榮名而保終吉都貴勢而躋遐者白首一節人生所難今致政宮師相國社公雅度敏識圭璋巖巖清德令望龜準當世功成自引得謝君門視所難得者則安享之謂所難行者則恬居之燕申睢陽與賓客太原王公故衛尉河東畢卿兵部沛國朱公駕部始平馮公咸以耆年掛冠優游鄉梓暇日宴集為五



老會賦詩酬唱怡然相得宋人形于繪事以紀其盛昔唐白樂天居洛陽為九老會于洛圖識相傳以為勝事距茲數百載無能紹者以今况昔則休烈鉅羨過之明逸游公之門又矣以鄉間世契倍厚常品今假手留鑰日登翹館因得圖像占述序引以代鄉校詠謠之萬一至和丙申中秋日錢明逸序

太子太師致仕祁國公杜衍八十歲

五人四百有餘歲俱稱分曹與掛冠天地至仁難補報林泉幽致許盤桓花朝月夕隨時樂雪髮霜髯蒲坐寒若也睢陽為故事何妨列向畫圖看

禮部侍郎致仕王洙九十歲

分曹歸政養耆年李下何由更正冠賢相賦詩同嘯傲聖君優

詔去盤桓龐眉老叟俱稱壽凌雪喬松豈畏寒屈指五人齊在福鄉人須作二疏看

司農卿致仕畢世長九十四歲

非才最忝預高年分務由來近掛冠敢造鉅賢論軌躅幸依都府得盤桓篇章棹和軒風雅眷待優隆荷歲寒儻許衰容參盛列願憑繪事未傳看

兵部郎中致仕朱貫八十八歲

各還朝政遇堯年鶴髮俱宜頂道冠乍到林泉能放曠全拋簪綬尚盤桓君恩至重如天覆相坐時親畏地寒九老且無元老貴莫將西雒一般看

駕部郎中致仕馮平八十七歲



詔恩分務許優閑肯借留都解牙冠名宦儻來空擾攘立園歸  
去好盤桓醉遊春圃煙霞暖吟聽秋潭水石寒退傳况蕪為隱  
伴紅塵那復舉頭看

謝借觀五老詩

歐陽脩

脫游軒冕就安閑笑傲丘園縱倒冠白髮憂民雖種種丹心許  
國尚桓植冥鴻得路高難慕松老無風韻自寒聞說優游多唱  
和新篇何惜盡傳看

耆英會序

司馬光

昔白樂天在洛與高年者八人游時人慕之圖傳於世宋興洛  
中諸公繼而為之者再矣皆圖形普明僧舍樂天之故策也元  
豐中潞國文公留守西都韓國富公致政在里第皆自逸於洛

者潞國謂韓國公曰凡所為慕於樂天者以其志越高逸也奚  
必文與地之襲焉一日悉集士大夫老而賢者於韓公之第買  
酒相樂賓主凡十有二人圖形妙覺僧舍時人謂之洛陽耆英  
會孔子曰好賢如緇衣取其蔽又改為樂善無厭也二公寅亮  
三朝為國元老入贊萬機出綏四方上則固社稷尊宗廟下則  
熙百上和萬民為天子腹心股肱耳目天下所取安所取平其  
勳業閎大顯融豈樂天所能庶幾然猶慕効樂天所為汲汲如  
恐不及豈非樂善無厭者歟又洛中舊俗燕私相聚尚齒不尚  
官自樂天之會已然是日復行之斯乃風化之本可頌也宜徵  
王公方留守北都聞之以書請於潞公曰亦家洛位與年不居  
數客之後顧以官守不得執卮酒在坐席良以為恨願寓名其



間幸無我遇其為諸公嘉美如此光未七十用狄監廬尹故事亦預於會潞公命光序其事光不敢辭時元豐五年正月端明殿學士兼翰林侍讀學士太中大夫提舉崇福宮司馬光序

武寧軍節度使守司徒開府儀同三司致仕韓國公

富弼彥國年七十九

伏承留府大尉相公就敝居為耆年之會承命賦詩

謹錄上呈伏惟采覽

西洛古帝都衣冠走集地豈惟名利場驟為耆德會大尹吾舊相曠懷輕富貴日與退老遊臺閣并省寺予歎最衰老亦許預其次遂欲省儀容爛然形繪事閩嶠訪精筆蛟綃布絕藝今復崇宴行聊以示慈惠幽居近銅駝荒敞仍湫底塞路移君庖盈

車載春醴獻酬互相趣歡處不知止商嶺有四翁普林惟七子較我集諸賢感衰何遠爾並事實可矜傳之為千祀

河東節度使守太尉開府儀同三司判河南府潞國

公文彥博寬夫年七十七

九老舊賢形繪事元豐今勝會昌春垂有素髮皆時彥揮塵清談畫席珠染翰不停詩思健飛觴無筭酒行頻蘭亭雅集謔脩襖洛社英游賞序賓自愧空疎陪几杖更容款密奉簪紳當筵尚齒尤多幸十二人中第二人

弼竊覽長篇斷章有十二人中第二人之句又賦

絕上呈

顧我年齡雖第一在公勲德自無雙不推行業終難敵富貴屢



寧亦可將

彥博伏觀公詩有第一無雙之句。輒成二十八字上呈。

洛下衣冠今鼎盛。當筵尚齒禮容優。惟公福壽并勲德。合是人間第一流。

尚書司封郎中致仕席汝言君從年七十七

繫國安危唐上宰。功成身退漢留侯。二公閑暇開高宴。九老雍容奉勝流。共接雅歡恩意洽。不矜崇貴禮容優。賞心樂事人間盛。豈謂今稀古莫儔。

又

壯歲塵埃祿仕牽。老歸重到舊林泉。曾無勲業書青史。偶向康

寧養老年。自分杜門居陋巷。敢期序齒預公筵。更慙形穢才涼薄。不稱圖真接鉅賢。

朝議大夫致仕王尚恭安之年七十六

端朝風望兩台星。珪組參差又十人。八百喬年餘總數。三千熙運遇良辰。席間韻語皆非俗。圖上形容盡得真。勝事主盟開府盛。誤容衰薄混清塵。服許便衣更野逸。坐從齒列似天倫。二公笑語增和氣。夜久盤花旋發春。燭下盤花盛開。公即指目焉。

太常少卿致仕趙丙南正年七十五

新春鼎洛燕英髦。主禮雍容下庶寮。二相比肩官一品。十人華髮事三朝。星階並列瞻台耀。樽酒時行挹斗杓。東顧庸夫最無狀。也將頽面趨嘉招。



秘書監致仕上柱國劉九伯壽年七十五

司徒碩德今無比太尉殊勲固絕倫偶以莫年陪盛宴喜將白髮照青春八公穢有山空著四皓當衰志且佛元老相望跡迹在不應此會愧前人

又

制舉省元推二相龍頭昔日屬宣敵人間盛事并遐筭一席幾盈九百籌十二老共八百九十二歲

衛州防禦使致仕馮行已肅之年七十五

書稱五福壽為先有德人左得壽延自愧櫟枿非遠器惟應南髮亦退年立身官末三公貴推老名陪二相賢喜把衰容模莽字慙無續効勤燕然當時遭遇承陶治今日光榮預燕筵從此

洛城增勝槩又新重作畫圖傳

中奉大夫充天章閣待制提舉崇福宮楚建中正叔年七十二

自顧頽齡七十餘又慙頑鈍費洪鑪歸逢大老者年會衰朽形骸愧畫圖

又

二相謨猷爛史編諸公才業過前賢好圖儀像傳來世何事頑踈亦比肩

司農少卿致仕王謹言不疑年七十二

相印貂冠粲天符華顛高會侍臣俱不將官職誇鄉里惟尚年齡入畫圖殞道清歡追故事此瞻陰德見訐謨叨陪九枚真榮



觀瑋壁叢中間珽球

宣徽南院使檢校太尉判大名府王拱辰君貺年七

十一

西都山水天下奇，神嵩景室環清伊。上古太室山為景室山，甫  
申間氣秀不絕，生賢會聖昌明時。衣冠占數盛文雅，台符鄉月  
光離離。魏京雄奧壓幽朔，遊宮御府嚴天威。膏由千里鬻桑柘，  
犀甲萬旅馴熊羆。公當緩帶名三鎮，懸赤纒軫承保釐。追推榮  
遇最深舊，加復雍孟交。旌麾仁皇一在龍虎榜，桂堂先後攀高  
枝。宦遊出處五十載，鸞臺驥路俱騰夷。三公極位固遼隔，五年  
以長猶肩隨。公今復主鳳門鑰，僕亦再撫銅臺圻。二京相望阻  
河廣，三徑不克陪遊嬉。忽聞幹步踵門至，投我十二蒼英詩。整

冠蕭貌諷章句，若坐寶肆羅珠璣。為言白傳有高躅，九君結社  
真可師。欲令千載著風迹，亟就僧館圖神姿。詞宗端殿序篇目，  
滂灑大筆何淋漓。眷言履道靡充訕，莠莠近邑將營歸。取云繪  
素得精筆，願列霜壁如唐規。退居舊相國，元老十年還政纒之  
涯。康寧富貴備五福，靈寶盛氣如虹霓。昔年太對繼，泉董登科  
賜第同十椿。皆天聖八年紫垣步武既通接，金沙里閑還鄰比。  
探禪論道劇訓對，摩軋太古窮天機。二賢勲業冠朝省，爵齒官  
學誰依稀。今將圖畫表來世，詎可下客聯纓綉。既蒙月品定人  
物，不敢循避違風期。况承開閣厚賓客，富有景物佳園池。銅駝  
坊西福善宅，脩竹萬箇籠清漪。天光臺高未百尺，下眺林嶺如  
屏帷。花王千品盡殊勝，風光繡畫三春暉。六相街中潞公第，碧



弄萬水煙姿差左隅廟室本經禮右閣宸翰尊星奎婆娑青鳳  
舞松栢煥爛素錦薰醪醑石渠飛瀟漱寒玉晝夜芋瑟鳴堦墀  
伊予陋宇治窮僻姑喜地廣爲環溪樓名多景可曠望臺號風  
月延清輝四時花藹不外假拏舟傲憤聊嬉怡懷歸撫事若饑  
渴恨無羽翼西南飛人生交舊貴倫輩情親意接心相知豈無  
晚秀負才蘊高談大笑拘禮儀洛中故事名義燕二毛第一年  
相推濯冠登在荷天寵尊君報國當百爲旣嗟大耋盡知止納  
祿謝事皆所宜顧方比道倚煩劇未許解綬披荷衣長篇不令  
負花約公貽莫負花前約之句爲指風什歌式微如羨耳露爽  
心骨似柄玉塵親顏眉蘭發雖未長羅宅菊英似亦思陶籬子  
山已著小園賦彥倫猶愧鍾山移聊攄短引謝招隱肯使猿鶴

常驚啼

太中大夫提舉崇福宮張問昌言年七十

槐庭一老樂堯仁盛集高年洛水濱華髮具瞻雖禮絕白頭序  
齒却情親清閒几席同禪院山野巾裘似隱淪尊酒椒香纔過  
節池塘草色已催春白公酣暢吟哦內衛武康強笑語煩豈獨  
丹青傳不朽潛欣風俗欽還淳芝田鶴戲調形健蓮葉龜游納  
息勻商皓寂寥拘小隱漢疎局蹙止家人莫因氣貌疑丹竈自  
有光陰寄大椿復得蕙謨爲重客司馬光未七十恐遺元爽在  
編民神仙可學今方信道術相忘久益真蒲座交歡祝眉壽群  
生五福託鴻鈞

龍圖閣直學士通議大夫提舉崇福宮張壽景元年

喜文類聚

卷之四十五

七



七十

洛城今昔衣冠盛，韓國園林景物全。功在三朝尊二相，數踰九老萃群賢。當時鄉社為高會，此日居留許款延。多幸不才陪履，鳥更懸七十是新年。

彦博代簡上君貺宣猷

勿愛大名名遂忘，西洛樂銅駝。本自佳金鳳，亦不惡二月三月春融融。千花萬花紅灼灼，公乎早歸來。莫負花前約，同賞狀元紅。對酒劉師閣，花雖舊房其艷惟新。

端明殿學士兼翰林侍讀學士大中大夫司馬光年

六十四

洛下衣冠愛惜春，相從小飲任天真。隨家所有自可樂，為其雖

微誰笑貧，不待珍羞方下筯。只將佳景便娛賓，庾公此興知非淺。藜藿終難作主人。

會約

序齒不序官，為其務簡素。朝夕食各不過五味，菜果脯醢之類，各不過三十器。酒巡無筭，深淺自斟。主人不勸客，亦不辭。逐巡無下酒，時作菜羹，不禁召客，共用一簡。客注可否於字下，不別作簡。或因事分簡者，聽會日早赴，不待促遣。約者每事罰一巨觥。

四月

日押

作真率會，伯康與君從。七十八歲安之，七十七歲正。叔七十四歲不疑，七十二歲叔達，七十歲光，六十五歲合，五百一十歲口號成詩，用安之前韻。



司馬光

七八五百有餘歲同醉花前今古稀走馬鬪雞非我事紵衣絲髮且相輝

又

經春無事連翩醉彼此往來能幾家切莫辭斟十分酒儘從他笑蒲頭花

新編古今事文類聚前集卷之四十六

建安 祝穆 和父 編

金陵 唐富春 子和 刊

樂生部

年齒

自一歲至百歲

羣書要語人生十年曰幼學二十曰弱冠三十曰壯有室四十曰強而仕五十曰艾服官政六十曰耆指使七十曰老而傳家政任子孫八十九曰耄九十曰悼悼與耄雖有罪不加刑焉百年曰期頤大夫七十而致事若不得謝則必賜之几杖行役以婦人適四方乘安車自稱曰老夫五十無車者不越疆而吊



入五十杖於家六十杖於鄉七十杖於國八十杖於朝六十不  
毀七十不與賓客之事八十登衰之事弗及也並曲禮五十始  
衰六十非肉不飽七十非帛不暖八十非人不暖六十不親學  
七十致政惟衰麻為喪七十觴酒豆肉七十不俟朝士之老者指

君則退八十月告君每月致餽八十者一子不從政六十宿肉  
七十貳膳八十常珍九十者天子欲有問焉則就其室以珍從  
並王制老考也七十曰耆八十曰耄九十曰老說文九十曰鮒  
背或曰黃耆或曰凍梨或曰鯢齒或曰眉壽釋名民年七十者

授之以玉杖鋪之以糜粥玉杖長九尺端以鳩飾鳩不噎之鳥  
欲老人不噎也續漢書人生百歲七十者稀古語  
**詩句**人生不滿百常懷千歲憂古詩三十骨骼成韓

古今事類

七月

白居易其始生七月能展書姆指之無兩字雖試百數不差

周歲

晉桓彝生子未暮温嶠見曰此兒有奇骨相可試令啼嶠曰真  
英物也因名温後為大司馬

曹武惠王彬始生周歲父母以百玩觀其所取武惠左手提于  
戈右手取俎豆斯須取一印後為樞密使玉壺清話

二歲

晉范喬年二歲時祖馨臨終撫喬首曰恨不見汝成人因以所  
用硯與之至五歲祖母以告喬喬便執硯涕泣



范文正公仲淹二歲而孤母貧無依改適長山朱氏

三歲

韓愈三歲而孤隨伯兄會貶官嶺表會卒嫂撫鞠之  
節孝徐先生積三歲父卒晨昏匍匐床下求其父甚哀行狀

四歲

謝安四歲桓彝見而歎曰此兒風神秀徹

歐陽公脩四歲而孤母鄭氏守節自誓親教脩讀書

劉公恕道原年四歲坐客有言孔子無兄弟者道原應聲曰以  
其兄之子妻之一坐驚異墓碣

五歲

羊祜五歲令乳母詣鄰人東垣取前身所弄金環

令狐楚生五歲能為辭章

李白上裴長史書五歲誦六甲

徐卿孺子歌小兒五歲氣食年

六歲

孔文舉有二子大者六歲小者五歲晝日父眠小者床頭盜酒  
飲之大兒謂曰何以不拜答曰偷邪得行禮乎世說

陸雲六歲與兄機齊名閔鴻奇之曰此兒龍駒鳳雛

陸績六歲見袁術於坐上懷橘三枚辭去墮地曰欲歸遺母

王戎年六七歲與群兒戲見李實曰在道傍而多子必苦李也

七歲

東漢黃琬七歲祖父瓊為魏郡太守詔問曰食多少琬在傍曰



何不言日食之餘如月之初

魏常林年七歲父黨造問曰伯先在否何不拜林曰臨字字

父何拜之有客大奇之

高郵之子定辨慧七歲讀尚書至湯誓跪問其父曰奈何以臣

伐君郢曰應天順人何謂伐耶對曰用命賞于祖不用命戮于

社是順乎郢異之

杜甫上賦頌自稱七歲屬辭

李賀七歲能辭章韓愈皇甫湜始聞不信過其家使賦詩援筆

輒就目曰高軒過

晏公殊七歲善屬文號神童

王獻之七八歲時學書羲之密從後掣其筆不得歎曰此兒後

當有六名

王元之年七八歲已能文一日太守席上出詩句云鸚鵡能言

爭似鳳元之即對曰蜘蛛雖巧不如蠶

八歲

孔穎達八歲就學記誦日千餘言聞記三禮義宗

謝尚八歲神悟速成父鯤嘗携之送客或曰此兒一座之顏回

尚應聲答曰坐無尼父焉別顏回

張玄祖八歲齒齠先達知其不常戲之曰君口何為開狗竇玄

祖答曰使君輩從此中出

隋何妥少機警八歲顧良戲之曰汝姓是荷葉之荷河水之河

妥應聲曰先生顧是眷顧之顧是新故之故



劉晏玄宗封泰山晏始八歲獻頌行在帝奇其幼命宰相張說  
試之本傳上召入禁中簾下貴妃置於膝上為施粉黛與之總  
髻上戲之曰汝為正字正得幾字對曰餘字皆正惟朋字未正  
明皇雜錄

寇公準八歲吟華山詩只有天在上更無山與齊其師謂準父  
曰賢郎怎不作宰相陳輔之詩話

九歲

楊子雲曰吾家童烏九歲預吾玄文  
楊氏子九歲甚聰慧孔君平詣其父不在乃呼兒出為設果  
有楊梅孔以示兒曰此是君家果兒應聲答曰未聞孔雀是孔  
子家禽

陶淵明詩通子垂九齡但覓梨與栗  
王勃九歲得顏師古注漢書讀之作指瑕以摘其失  
徐卿二子歌大兒九齡色清澈秋水為神玉為骨  
王元之九歲能歌詩畢士安見而異之

十歲

馬遷十歲則誦古文  
孔融年十歲詣李膺語簡者曰我是李君通家子弟膺問之荅  
曰先君孔子與君先人李老君同德比義而相師友則融與君  
累世通家  
謝惠連年十歲屬文族兄靈運忽夢惠連即得池塘生春草之  
句大以為工



北齊邢邵十歲能文日覽萬言在洛陽會天下無事以遊宴為  
想不暇勤渠嘗因霖雨五日乃讀漢書畧能遍看一覽無遺  
李自上裴長史書十歲觀百家

十一歲

宋白年十一善屬文

楊億年十一以童子召對試詩賦五篇下筆立成太宗歎異以  
為秘書省正字

十二歲

秦始皇使張唐往相燕不肯行甘羅曰項橐七歲為孔子師今  
臣生十二歲矣君其試臣始皇使甘羅於趙  
虞翻年十二有客候其兄不過翻追與之書曰僕聞琥珀不受

腐木礫石不受曲針客奇之

却士美年十一通五經史記漢書皆能成誦父友蕭穎士頗真  
卿相與論繹嘗曰吾曹異日當友二却之間

荀爽年十一通春秋論語林蒼見而稱之曰可為人師

元魏祖塋年八歲能誦詩書十一為中書學生耽書母恐其成  
疾禁之不能止嘗密燃火讀書以衣被蔽塞燈戶恐漏光明為  
家人所覺

柳公權十一工詞賦

十三歲

東方朔曰臣少失父母長養兄嫂年十二學書二冬文史足用  
王羲之年十二謁周顛顛異之時重牛心炙坐客未啖顛先割



唱義之以是知名

陶淵明詩雍端年十三不識六與七

王勃年十二作滕王閣序

楊收年十二通大義屬文所賦輒就吳人號曰神童

李白送魏萬詩十二能文史揮筆如振結

五代張策少聰悟父同居洛陽浚并得古鼎銘曰魏黃初元年

春二月策年十三啓曰漢建安二十五年曹公薨改元建康是

歲文帝受禪又改黃初是黃初元年無二月也同輩驚異之

晏元獻公殊文本撫州弓手晏幼能文李處已知徐州下見奇

之薦於楊大年以聞年十二真宗面試詩賦疑其宿著明日再

試文采愈美上大奇之即除秘書省正字

柳開父承翰為南縣令有盜入其家眾不敢動開年十二亟取

十四歲

北史劉昫年十四就博士郭瑒學瑒有女始笄妙選良偶有心

於昫遂以妻焉

董憲年十四荀淑竦然異之揖與語移日不能去謂憲曰子吾

之師表也

祖述年十四五猶未知書諸兄每憂之後乃博覽書傳

杜甫往昔十四五出游翰墨場

邢惇夫年十四作明妃引

十五歲



子曰吾十有五而志于學

東方朔曰臣十五學擊劍

陳蕃字仲舉年十五居室不治人曰孺子何不掃除曰大丈夫當掃除天下安能事一室乎

呂蒙年十五六竊從姊夫鄧當戰當見驚呵叱不能止歸告蒙母母怒之蒙曰貧賤難可居設有功當富貴

阮籍與王渾為友子戎年十五隨渾在郎舍籍謂渾曰濟仲戎之字清賞非卿倫也其卿言不如共阿戎談

元稹十五擢明經

開元初常敬忠十五歲上書言能一過誦千言張燕公召曰能十過誦萬言乎曰能以萬言試之十過已通熟矣

杜甫詩憶昔十五心尚孩健如黃犢走復來

十六歲

東方朔曰臣十六學詩書誦二十二萬言

狄青年十六時其兄素與里人號鐵羅漢者鬪於水濱至溺殺之保伍方縛素青適餉田見之曰殺羅漢者我也人皆釋素而縛青青曰我不逃死然待我救羅漢庶幾復活若決死者縛我未晚也眾從之青默祝曰我若貴羅漢當蘇乃舉其尸出水數斗而活人咸異之

十七歲

孔子年十七魯大夫孟釐子病且死誡其嗣懿子曰孔丘聖人後年少好禮吾即沒若必師之



韓愈曰李氏子蟠年十七好學又請學於余余嘉其能行古道作師說以貽之

錢希白年十七舉進士御試三題日中而就言者以其輕俊而黜之蘇易簡曰錢易者李白木也

十八歲

賈誼年十八名稱郡中河南尹吳公舉之

房玄齡年十八隋高孝基曰此郎當為國器但恨不見其登臺昂青耳

陳子昂字伯玉年十八未知書以富家子尚氣決弋博自如他日入鄉校感悔即痛脩飾所論著為當世法

程伊川年十八作好學論

張載嘗談兵年十八以書請范仲淹仲淹責之曰儒者自有名教可學何事於兵載感其言益窮六經至釋老書無不讀王宣徽拱辰汪端明應辰皆年十八作太魁

十九歲

魯昭公年十九猶有童心

東方朔曰臣十九學孫吳兵法戰陣之具鉦鼓之教亦誦二十萬言

唐楊於陵年十九登進士第再登博學宏詞科浙西觀察使韓滉有愛女方擇壻謂其妻曰吾閱人多矣無如楊生以女妻之生子復為相

蘇子由年十九上韓太尉書



事類彙編 卷之四十九 九  
朱元晦年十九作遠遊篇

二十歲

司馬遷二十而南遊江淮上會稽探禹穴窺九疑浮沅湘北涉  
汶泗講業齊魯之郊觀夫子之遺風鄉射鄒嶧阨困蕃薛彭城  
過梁楚以歸

陸機二十作文賦

二十一歲至二十歲

陸遜年二十一始仕幕府

東方朔日臣年二十一長九尺三寸目若懸珠齒若編貝勇若  
孟賁捷若慶忌廉若鮑叔信若尾生若此可以為天子大臣矣  
臣朔昧死以聞

賈生死年二十一

王溥年二十一狀元及第

蘇子瞻二十二歲登科二十四歲中制科

程明道二十三歲作定性書

鄒禹年二十四光武使使者拜為司徒

周瑜授建威中郎將時年二十四吳中呼為周郎以恩信著於

蘇明允上歐陽公書年二十五始知讀書

富文忠公弼問邵伯溫年幾何娶未對曰年二十四未娶公曰

吾年二十八登第方娶

李賀年二十七有玉樓之召

宋王僧綽為待中年二十九始與王濬問其年僧綽自嫌早達



逡巡良久乃啓其謙追如此

孔子曰三十而立

山濤嘆曰年幾三十不為家公所知

王述年三十尚未知名人或謂之癡王導辟為中書屬公問以

在東米價述張目不答導曰王掾不痴人何言癡

三十一歲至四十歲

范僕射宗尹為參政時年三十一拜相時年三十二卒年三十

九然有五子兼有孫人謂其享年雖不永而人間之事畧備

顏子三十二歲短命而死

潘岳秋興賦序曰余春秋三十有二始見三毛

王溥狀元及第六年拜相時年三十二罷相歸時年四十二在

具慶下

宋謝晦為宣州刺史頗有矜色將之鎮詣叔光祿澹澹問年

曰二十五澹笑曰昔荀中郎年二十已為此府都督此之為老

矣晦有愧色

柳子厚書曰前過二十七年與瞬息無異後所得者其不足把

玩亦已審矣

崔湜年二十八執政嘗暮出端門緩轡諷詩張說見之曰文與

位固可致其年不可及

韓愈年未四十而視茫茫而髮蒼蒼

孔子四十而不惑又曰四十五十而無聞斯亦不足畏也已

孟子四十不動心



謝玄為桓溫掾溫曰謝掾年四十必擁旌杖節

山濤年四十始為郡主簿功曹後拜吏部尚書

孟浩然四十為遊京師

裴寂過華山祠祈神自卜夜夢老人曰君年踰四十當貴

四十一歲至五十歲

謝安年已四十餘始有仕進意高松曰卿高卧東山將如蒼生

何

邵堯夫年四十餘始娶

孔子年四十二退而脩詩書禮樂弟子彌眾

蔡澤從唐舉相曰富貴吾所自有吾所不知者壽也舉曰先生

壽從今日以往四十三歲

徐邈年四十四始補中書舍人帝宴酣之後好為手詔辭意邈

還省刑削然後出之

蘇子瞻年四十四本足論公作詩文謗訕朝政責黃州

黃魯直年四十四入中書八年而丁家艱

杜甫言於中宗曰臣自十七歲屬辭且四十年然衣不羔毼常寄

食於人伏惟太子哀憐之拔泥塗之八辱則臣之迹作雖不足

鼓吹六經至沉鬱頓挫揚雄枚叟可及也

楊大年三十七為翰林學士晝寢於玉堂忽夢懷王山人來

謁出一牒寫三十七字大年驚曰得非數乎許添乎山人命筆

一點為四十七字至其數果卒玉壺清話

蜀何祗慶井中生桑以問古慶趙直直曰桑非井中之物會當



移植然桑字四十下八壽恐不過此祇後至健為太守四十八果卒

齊褚彥回少病篤夢人與卜者一旦遂差果年四十八而薨岑文本曰馬周火色後有騰上必速恐不能久卒年四十八

韓愈曰余生四十有八年髮之短者日益白齒之搖者日益脫聰明不及於前時道德日負於初心作五箴以訟其惡

李適為工部侍郎年四十九夢與人論大衍數寤而曰吾壽盡此勅其子於霸陵原西營墓樹松未病衣冠寢石榻上

孔子五十而知天命

蘧伯玉年五十而知四十九年非田衛大夫蘧瑗公生所行是則還顧知去年之所行非也歲三悔之以至於死故有四十九

年非淮南子莊子作六十一

陶淵明遊斜川詩開歲修五十吾生行歸休念念動中懷及辰為茲遊

朱買臣嘗刈薪樵賣以給食行且誦書妻亦負載相隨妻羞之求去買臣笑曰我年五十當富貴今已四十餘矣待我富貴報汝妻妻怒曰如公等終餓死溝中耳不能留即聽去

玄宗欲以張嘉貞為相嘉貞曰昔馬周血氣方壯太宗用之能盡其才甫五十而沒向使用少晚則無及

五十一歲至六十歲

晉孔愉元帝命為參軍始出廬召年已五十餘矣

陶淵明與子書曰吾年過五十而窮苦荼毒性剛才拙與物多



許嘗北窺下卧遇涼風暫至自謂是義皇上人  
蘇子瞻年五十一除中書舍人又除翰林侍讀五十九歲謫惠州

孔融書云五十二年融又過一

黃魯直五十一歲謫黔州五十四歲移戎州

南史梁武帝遣領軍司馬王昇之以手詔徵謝朓昇之先至何胤所胤恐朓不出乃下牀跪受詔及昇之從謝朓所還問胤以出期以應乃答昇之曰吾年已五十七月食四斗米不盡何容復有官情昇之失色不能答

孔子年五十六由大司寇攝行相事於是誅魯大夫亂政者少正卯與聞國政

孔子六十而其順

公孫弘年六十召為博士

元德秀死族弟結哭之慟曰生六十年未嘗識女色吾哀之以戒荒淫之徒

六十一歲至七十歲

黃魯直六十歲謫宜州六十一歲卒

馬援年六十二自請擊武陵五溪蠻據鞍顧盼以示可用帝笑曰矍鑠哉是翁也遂遣征五溪

蘇子瞻年六十一謫昌化年六十五移廉州又提舉玉局觀任便居住年六十六至金陵告老致仕未幾而薨

呂洞賓謠張洎留詩云功成當在破瓜年俗以破瓜為一入泊



年六十四卒

孔子七十而從心所欲不踰矩

老萊子年七十父母猶存服班爛衣為嬰兒戲於親前

魏田豫年老遜位司馬宣王以豫克壯書喻未聽答曰年過七十而居位譬猶鍾鳴漏盡而夜行不休是罪人也拜大中大夫

食鄉祿年八十薨

杜甫曲江詩朝回日白典春衣每到江頭盡醉歸酒債尋常行

處有<sub>二</sub>人生七十古來稀<sub>一</sub>

七十一歲至八十歲

先零反趙充國年七十餘上問曰誰可將充國曰無踰老臣矣

願馳至金城圖上方畧

張東之年七十餘以賢良召狄仁傑薦東之雖老宰相杖

孔子年七十三卒

晉悼食粟人之城杞者絳縣人或年長矣有與疑年使問之年

曰臣小人也不知紀年臣生之歲正月甲子朔四百有四十五

甲子矣其季於今三之一也更走問諸朝師曠曰七十二年矣

史趙曰亥有二首六身下二如身是其日數也士文伯曰然則

二萬二千六百有六旬也襄三十

趙抃字閱道以太子少保致仕退居于衢有溪石松竹之勝與

山僧野老游不復有貴勢居六年卒年七十七謚清獻

大公姓姜字子牙八十釣於渭濱文王出獵同載而歸

胡廣為三公年已八十而心力克壯練達事體



宋沈慶之年八十為廢帝所殺是歲日慶之夢人以兩匹絹與之曰此絹足度瘡曰老子今年不免矣兩匹八十尺也足度無盈餘果死

富弼致仕年八十上疏論治亂知無不言本傳劉器之云富鄭公年八十書座屏云守口如瓶防意如城見氏家語

八十一歲至九十歲

武帝使使東烏加篋安軍馬詳前公時已年八十餘矣

沈麟年過八十耳目猶聰明手寫細書三年滿數十篋

蘇公頌以太子太保致仕薨年八十二

陳堯佐臨終自誌其墓曰有朱頴川先生堯佐字希元年八十二不為天官一不為天官一品不為賤卿相納祿不為辱二者粗可歸息於

父母棲神之域矣

齊桓公見畝丘人曰叟年幾何對曰臣年八十二矣公曰美哉壽也

趙彜以太子少師致仕居睢陽十五年而卒年八十八謚康靖

九十一歲至百歲

濟南伏生年過九十失其本經口以傳授書序

文潞公彥博請老致仕再起平章軍國重事請老不已復以太師致仕時年九十二

晉衛武公年九十有五猶箴警於國曰苟在朝者無謂我老耄而全我也必共恪於朝夕以整羣戒我

香山九老會中有洛中遺老李元英年一百三十六



張蒼口中無齒飲乳妻妾以百數自子者不復幸年百餘歲乃卒

李守為承直奉使過海至瓊道逢公翕自稱揚避舉年八十一其叔父皆年一百二十餘又見其祖宋卿年九十五次見雞巢中有小兒出頭下視宋卿曰此九代祖也不語不食不知其年歲洞微志

鍾離人顧思遠年一百十二歲七子少者年已六十頭有肉角長寸又穰城有人年一百四十歲不復能食谷飲曾孫婦乳又荊州人張元始年一百十六歲卒九十七方生兒兒遂無影將亡人久告別乃至山林處處復行未幾而終梁蕭映傳

古今文集

雜著

白蘇詩紀年歲

白樂天為人誠實洞達故作詩述懷好述年歲因閱其集輒抄錄之此生知負少年心不展愁眉欲三十莫言三十是年少百歲三分已一分何況纔中年又過三十二不覺明鏡中忽年三十四我年三十六冉冉昏復且非老亦非少年過三紀餘行年欲四十有女曰金鑿我今欲四十秋懷亦可知行年三十九歲暮日斜時忽因時節驚年歲四十如今欠一年四十為野夫田中學鉏穀四十官七品拙官非由他毛鬢早改變四十白髮生况我今四十本來形貌羸衰病四十身嬌癡三歲女自問今年幾春秋四十初四十未為老憂傷早衰憊莫學二郎吟太苦纔



年四十鬢如霜。下有獨立人。年來四十一。若爲重入華陽院。病  
髮愁心四十二。巳年四十四。又爲五品官。面瘦頭班四十四。遠  
謫江州爲群吏。行年四十五。兩鬢半蒼蒼。四十六時三月盡。送  
春爭得不慙慙。我今四十六。衰醉卧江城。鬢髮蒼浪牙齒疎。不  
覺身年四十七。明朝四十九。應轉悟前非。四十九年身老日。  
百五夜月明天。衰鬢蹉跎將五十。關河迢遞過三千。青山舉眼  
三千里。白髮平頭五十人。官途氣味巳諧盡。五十不休何日休。  
五十江城守。停杯忽自思。莫學尔兄年五十。蹉跎始得掌絲綸。  
五十未全老。尚可且歡娛。長慶二年秋。我年五十一。二月五日  
花如雪。五十二人頭似霜。老校於君合先退。明年半百又加三。  
前歲花前五十二。今年花前五十五。倘年七十猶強健。尚得閑

行十五。春去年十一。今年五十六。我年五十七。榮名得幾許。  
我年五十七。歸去誠巳遲。身爲三品官。年巳五十八。五十八翁  
方有後。靜思堪喜亦堪嗟。半百過九年。艷陽殘。白日火銷燈盡。  
天明後。便見平頭六十人。六十河南尹。前途足可知。不准擬身  
年六十。上山及未要入扶。不准擬身年六十。游春猶自有心情。  
我今悟巳晚。六十方退閑。今歲日餘二十六。來歲年登六十二。  
心情多少在。六十二三人。六十三翁頭雪白。假如醒熟欲何爲。  
行年六十四。安得不衰羸。我今六十五。走若下坡輪。年開第七  
帙。屈指幾多人。五十八歸來。今年六十六。無憂亦無善。六十六  
年春。共把十千沽。一斗相着七十欠。三年七十欠。四歲此生那  
足論。六十八衰翁。乘衰百疾攻。又問年幾何。七十行欠二更過。



今年年七十。假如無病不道休。今日行年將七十。猶須慙愧病  
來遲。且喜開年滿七十。莫嫌疾病莫嫌貧。舊語相傳聊自慰。世  
間七十老人稀。皓然七十翁亦足。稱壽考。昨日復令辰。悠悠七  
十春。人生七十稀。我今幸過之。白鬚如雪五朝臣。又入新正第  
七旬。時年七十二。行開第八帙。可謂盡天年。吾今已年七十一。  
眼昏髮白頭風眩。七十人難到。過三更較稀。七十二人難再到。  
今春不是別花來。七十二翁且暮身。誓開險路作通津。風光拋  
得也。七十四年春。壽及七十五。俸需五十千。其多如此。蘇公素  
重樂天。故間亦效之。如龍鍾三十九。勞生已強半。歲暮日斜時。  
還爲昔人歎。正引用其語。又四十豈不知頭顱。畏入不出何其  
愚。我今四十二。衰髮不滿梳。憶在錢塘正如此。回頭四十二年

非行年四十九。還此北牕宿。我今四十九。賴此一笑喜。嗟我與  
君皆肉子。四十九年窮不死。五十之年初過。二衰顏記我今如  
此。白髮蒼顏五十二。家人強遣試春衫。先生年來六十化。道眼  
已入不二門。紛紛華髮不足道。當返六十過去魂。我今六十一。  
頽景薄西山。結髮事文史。俯仰六十餘。與君皆四子。各已三萬  
日。翫味莊誦便如閱年譜也。容齋隨筆

詩話

而立者稀

東坡再謫惠州日。與一老舉人年六十九。爲隣。其妻二十歲生  
子。爲其邀公公欣然而往。酒酣乞詩。公戲贈一聯云。聖善方當  
而立歲。頑尊已及者。稀年侯鯖。



新編古今事文類聚前集卷之四十七

建安 祝穆 和父 編

金陵 唐富春 子和 刊

嬰疾部

疾病

問病 君問病 癩疾 羸弱 好潔  
瘠渴 風疾 雜疾 餘見耳目手足

羣書要語無妄之災勿藥有喜注非妄之災勿治自復非妄而  
藥之則凶故曰勿藥有喜易有負薪之憂曲禮有采薪之憂注  
言病不能采薪孟子狗馬之疾嚴助傳玉體不安文選兩脛惟  
骨拜履俱艱雙瞳雖存黑白難辨歐集

詩句脹腹堪成鼓羸形漸比柴耳鳴疑暮角眼暗助昏霾元微

事類類聚前集

卷之四十七

一

新編古今事文類聚前集卷之四十七

一

Blank page with faint bleed-through text from the reverse side.



古今事實

河為祟

楚昭王有疾卜之曰河為祟左

請禱

子疾病子路請禱子曰丘之禱久矣

病在膏肓見醫門

何恙不已

公孫弘病篤上書願乞骸骨上報曰君不幸罹霜露之疾何恙不已今事少間君其存精神止念慮輔助醫藥以自持因賜告牛酒雜帛居數月有瘳視事

有陰德

丙吉病宣帝憂其不起夏侯勝曰此未死也有陰德者必享其樂以及子孫後果愈

移病

楊敞皇懼移病師古曰謂移書言病也

躬行致藥

蓋寬饒為衛尉司馬躬按行士卒廬室視其飲食居處有疾病者身自撫循臨問致醫藥遇之甚恩

死鬼為祟

魏管輅傳信都令舍婦女病頭痛心驚輅筮之曰北屋西頭有兩死男子一男持矛一男持弓矢主射胸腹故



心痛從抽骸骨家中並愈

賢者疾篤

王羲之帖曰蔡公遂委篤深可憂賞今人物眇然而艱疾若此令人短氣

造物小兒

杜璿言病甚宋之問武平一省候何如答曰甚為造化小兒相苦尚何言然吾在久壓公等今且死矣太慰但恨不見替人

七十無病

張萬福始終七十年未嘗一日言病

一服清涼散

程子儀三入翰林意望入兩府頗不釋移疾不出朝士問候者

繼至詢之云虛熱上攻石中立在坐云只消一服清涼散意謂兩府始得用清涼傘也翰林雜志

既死復蘇

前輩多知人或云各有術但不言爾夏文莊公知蘄州龐莊敏公為司法嘗得時疾在告方數日忽吏報莊敏死矣文莊大駭曰此人當為宰相安得便死吏言其家已發哀文莊曰不然即自往見取燭視其面曰未合死見醫語之曰此陽證傷寒汝等不善治誤爾亟煎承氣湯灌之有頃莊敏果蘇自此遂無恙世多傳以為異石林燕語

康節知命見死門

問病獨留以下係問病



丞相丙吉病中二千石上謁問疾遣家丞出謝已皆去陳萬年獨留昏夜乃歸吉病甚上自臨問吉薦萬年竟代于定國為御史大夫

問病防笑

盧杞有口才體陋甚鬼貌藍色不耻惡衣菲食人未悟其不情郭子儀病甚百官省不屏姬侍及杞至則屏之隱几而待家人恠問其故曰彼外陋內險左右見必笑使後得權吾族無類矣

問病嘗糞

唐郭弘霸為待御史時大夫魏元忠病僚屬自候弘霸獨後請視便液即染指嘗驗疾輕重賀曰此者病不瘳今味苦當愈無患元忠惡其媚暴語于朝

穿壁問疾

以下係君問疾

呂蒙有疾孫權欲數見其顏恐勞其起動嘗穿壁瞻視之見小能下食則喜不然則夜分不寐

鑿墻問疾

房玄齡疾劇太宗鑿墻開門累遣中使候問

遣醫不絕

馬周病消渴彌年不瘳時駕幸翠微宮勅求勝地為周起宅召醫中使相望不絕每令尚食以膳供之太宗躬為調藥太子親臨問疾

老嫗問疾

李衛公疾太宗詔曰有晝夜視公疾老嫗令人來朕欲熟知



公起居狀權文公視此詔嘗泣曰君臣之際乃如是耶帝端符  
故易記

剪鬚和藥

李世勣病太宗剪鬚和藥因頓首大哭帝曰吾為社稷計耳

亡之命矣以下係病癩

伯牛有疾子問之自牖執其手曰亡之命矣夫斯人也而有斯

疾也注先儒以為癩

啖松柏

上黨有趙瞿者病癩垂死或言不如及活棄之否則子孫轉相  
染其家乃送之山穴中遇仙人以松脂啖之卒為地仙抱朴子

癩可

詩僧祖可身被惡疾人號癩可西清詩話

體羸帶械以下係羸弱

梁沈約與徐勉書曰開年以來病增慮切常思生靈有限勞役  
過差終此凋竭歸之暮年牽策行止努力抵事時觀旁覽尚以  
全人而形骸過用不相綜攝常須過自束持方可備免解衣一  
卧支體不復相關帶常移乳以手握臂率計月小半分

難近婦人

膠西主陰痿一近婦人病數日漢景十三王傳

常禁其語

晉衛玠好言玄理其後多病體羸母常禁其語

拂席洗床



宋吏部尚書庾仲文好潔士大夫造之者未及出戶輒令人拂  
席洗床以此見譏

人去掃坐處

齊王思遠為侍中性簡潔客有請已者覘知其衣服垢穢乃便不  
前形儀新楚乃與促席及去猶令一人交帚掃其坐處

號為水淫

梁何終之性好潔一日之中洗滌者十餘過人稱為水淫

掃拂郭路

齊遂安令劉澄為性彌潔在縣掃拂郭邑路無積草剪蟲穢人  
不堪命生免官

瘡渴 以下係瘡渴

司馬相如善著書常有瘡渴病

用水止瘡渴

魏下蘭下太后弟子也為將軍常侍苦瘡渴明帝信巫女用水  
方使人賜水蘭不肯飲詔問其故蘭曰治病自當以方藥何信  
於此

以疾辭召 以下係風疾

晉皇甫謐自號玄晏先生有風痺之疾不應辟召後武帝下詔  
敦逼謐上疏力辭曰臣抱癯瘵羸軀牛不仁十有九載竟不在

狎狂

楊渾送傳國寶於太祖其子疑式諫不聽即狎狂號風子

舐痔 以下係雜疾



莊子謂宋人曹商曰秦王有病召醫破癰潰疽者得車一乘舐痔者得車五乘子豈能療其痔耶

患大臭

人有大臭者其親戚兄弟妻妾無能與居者自苦而居海上人有悅其臭者晝夜隨而不去呂氏春秋

元章心恙

米芾詠譎好奇在真州嘗謁蔡太保依於舟中彼出所藏右軍王畧帖示之芾驚歎求以他畫換易彼意以為難芾曰公若不見從芾不復生即投此江死矣因大呼據船舷欲墜彼遽與之知無為軍初入州廨見立石頗奇喜曰此足以當吾拜遂命左右取袍笏拜之每呼曰石丈言者聞而論之朝廷亦傳以為笑

石林燕語

古今文集

雜著

釋疾文序

盧照鄰

余羸卧不起行已十年宛轉匡牀波委小室未攀偃蹇桂一臂連蹇不學邯鄲步兩足匍匐寸步千里咫尺山河每至冬謝春歸暑闌秋至雲壑改色煙郊變容輒興出古庭悠然一望覆露雖廣嗟不容乎此生亭育雖繁恩已絕乎斯代賦命如此幾何可憑今為釋疾三篇以貽諸好事蓋作易者其有憂患乎刪書者其有栖遑乎國語之作非瞽叟之事乎騷文之興非懷沙之痛乎吾非斯人之徒歟安可默而無述其畧曰

古今文集

卷之四十七

七



先朝好史予方學於孔墨今上好法示晚愛乎老莊彼圖藝而  
方柄吾知齟齬而不當是時也天子按劍方有事乎八荒駕風  
輪而梁弱水飛日駁兮苑扶桑戈船萬計兮連屬鐵騎千群兮  
啓行人文犀窟猛士鷹揚故吾其栖栖以赴蜀分默默以從梁  
其後雄圖甫畢登封禮日方欲訪高議於雲臺考奇文於石室  
銷兵黃帝爲農聖器牛馬兮崇禎術屢下蒲帛之書值予有幽  
優之疾蓋有才無時命也有時無命亦命也時也命也自前代  
而痛諸道之垂也則賢人君子伏斧鑕而不暇時之來也則屠  
酤餓隸作王侯而有餘已焉哉歲將晏兮歡不再時已晚兮憂  
來多生兮生兮奈汝何

辯恙字義

白居易

風俗通曰無恙俗說疾也凡人相見及書問者曰無疾耶按上  
古之時草居露宿恙啞蟲也食人心故相問勞曰無恙乎非爲  
疾也容齋隨筆云公孫弘傳云不幸惟霜露之疾何恙不已顏  
師古注恙憂也何憂於疾不正也禮部韻畧訓恙字亦曰憂也  
初無訓病之義蓋既云罹疾矣不應復云病師古之說甚爲明  
白而世俗相承至問人病爲恙謂輕者爲微恙心疾爲心恙  
風疾爲風恙根著已深無由可改

律詩

風疾枕上作

白居易

風疾侵生臨老頭血疑筋滯不調柔其從此後支離卧賴是從  
前爛熳遊



詩話

患髮瘡

張忠定少謁華山陳圖南圖南贈詩云自吳入蜀是尋常歌舞  
筵中救火忙乞得金陵養閑散也須多謝髮遺瘡始皆不論後  
忠定更鎮杭晚年發瘡於髮移守金陵遂薨

# 瘡疾

羣書要語孟秋行夏令則寒熱不節民多瘡疾月令驅厲鬼于

山之左韓文

古今事實

顓頊三子

昔顓頊有三子亡而為疫鬼一居江水為瘧鬼一居若水為魍  
魎鬼一居人宮室區隅善驚入小兒於是正歲命方相氏帥肆  
儺以驅疫鬼漢舊儀

黃能為癘

晉侯有疾韓宣子曰寡君寢疾今三月矣有加而無瘳今夢黃  
熊入於寢門其何癘鬼也子產曰堯殛鯀於羽山其神化為黃  
熊以入于羽淵實為夏郊三代祀之韓子祀夏郊晉侯有問

呼名瘳瘳

齊稽康勇果驍悍從武帝顓縣起兵所經村邑恣行暴虐南人  
畏之以其名怖小兒病瘳者寫之帖着牀壁無不立愈

一死為癘鬼



張巡守睢陽賊攻城士病不能戰巡西向再拜曰孤城備竭弗能全臣生不報陛下死為鬼以癘賊城遂陷

墓土止瘡

五代朱瑾在唐為兖州節度使梁太祖攻敗之奔揚行客大破梁兵後以殺徐知訓族滅瑾名重江淮人畏之其死也尸之廣陵北門路人私共塗之是時民多病瘡皆取其墓上土以水服之云病輒愈更益新土增成高墳

古今文集

雜著

祀黃熊評

程晏文粹

傳曰子產聘晉晉侯有疾黃熊以為厲鬼子產曰鯀之神化為

黃熊鯀為夏郊三代祀之晉為盟主未之祀乎遂使祀之而杜預又註曰言周衰晉為盟主得在太子祀群神也曰異乎吾之說也若鯀為夏郊三代祀之即掌周禮者存焉晉為盟主豈天子祀典宜諸侯而僭之耶是不可祀之一也羽山又非晉望是不可祀之者二也鯀若為天下厲即有天子太厲司其祀矣是不可祀之者三也若為一國之厲即有侯東海者國厲司其祀矣是不可祀之者四也况祀為夏后鯀有歸祀又不為厲是不可祀之者五也子產言崇厲之事有二吾取其一焉言實沈臺駘之崇吾取之矣黃熊之癘吾不敢聞晉侯方疾其或荒邪內作偶變色象之一物謂之黃熊安可執加鯀厲而為晉越之祀哉



瘧癘文 并序

劉禹錫

昔夏后氏鑄鼎象物使民知神姦或魘魅之外魍魅之餘匿天命竊帝威罔不見形于鼎上者自夏后氏云繼為禍於人間被之者始若處水檻復若落炎井眩瞽炎惑視之累形聽之重聲骨節息重如山已傾始或醒時奪入之情喪入之精元若木偶昏如宿醒噫或飲食不節哀樂天所病于人者上則湯劑次則礦艾愈矣凡有是病者人也又非天也湯劑不可理礦艾不可改嗚呼癘之能禍人是必有知也既有知矣不效神為聰明正直不加崇於君子焉遂為文祝集作祀而逐之曰癘乎癘乎有事君不盡節事親不盡孝出為叛臣入為逆子天未降刑尚或竊生爾宜癘之有專祿樹威僭物行機上弄國權下戲民命天

未降刑尚或竊生爾宜癘之有賣交取祿誦交結族一言不善禍發於鍤天未降刑尚或竊生爾宜癘之美曼之色媚于君側巧笑未足已亡於國天未降刑尚或竊生爾宜癘之柔佞之言惑于君前委順未足國步移焉天未降刑尚或竊生爾宜癘之四星之臣集作位奉于紫宸蕭牆禍起帝座蒙塵天未降刑尚或竊生爾宜癘之見災幸久聞禍樂成含羞員貴忍垢貪榮天未降刑尚或竊生爾宜癘之癘乎癘乎爾目不盲爾耳不聾如向來之所陳奚不禍於其躬仁者必有厄義者必有窮見仁義而勿癘遇姦佞而肆兇非唯去乎物患抑亦代乎天土癘乎癘乎苟依吾言而若是吾將達爾於帝聰

謹瘧鬼文

秦少游



事文類聚前集 卷之四十一  
邦溝處士秋得瘵瘡之疾發以景中起於毛端神欠乃作其始也。妻風轉雨洒然薄入其少進也。如五穀陰崖單衣犯雪。篋篋蠖屈奄奄欲絕。寒威既替熱復大來。再方煤毒回祿。嗣災蹀外渴中。卧已復興。欲挾斗杓東適。渤澥酌以注。盍未足爲快。徂西盡戍。灑然霑汗。然後乃已。於是處士乃澡心慮。斥聰明。枕石藉茅。偃於洞房。疲極而寐。夢五鬼物異服醜形。朱丹其髮。運斤鼓橐。縻纒注。至揮以大筆。跳踉而進。曰。嘻。良苦。惟子昔年學道名山。把握風雷。與斗爭威。更共雲屯。使者火馳呼。改元氣。懸鬼以嬉。我屬蓄忿怒。候間隙之日久矣。孰爲爾來。荒唐是師。跡弛是友。果於自爲。橫心肆口。隨世上下。金鑠木捺。嘗於禁戒。隳滅應手。交親指議。傳笑十九。而子岸然恬不爲醜。我屬緣是得而耳。

心焉。於是處士驚遽而若失。所以對者。衆鬼大笑。處士叱之曰。來汝鬼物。向吾視汝神明之機。天收其武。地藏其文。七緒十精。亡失光耀。而汝儻漫不復省。瞽瞍之前。藻繪徒施。叩宮流徵。而曠者弗知。昔以爲未然。乃今信之。蹇吾妙齡。志于幽玄。明師我遣。以瀕竒偏。疑信相寇。于茲有年。披収氛霧。乃覩青天。焚然故藝。一夕棄捐。飲食酣寢。以還本源。若夫嬪御如雲。珍貨山積。後房彈吹。秀色可殮。馬有副車。有貳人所同好。吾亦弗避。久宦無成家。徒壁立彈劍。而哦。援琴自慰。風埃藍縷。兒女所羞。人所共惡。吾亦弗求。好惡我無。與天下俱。故造物之父。與吾並駕而遊。固非汝曹知也。嗟汝鬼物。亦道之餘。經緯星辰。啓陰閉陽。何獨迷謬。自喪耿光。依憑草木。爲此不祥。於是衆鬼相視失色。滂泗



交頤咲而不吝悔昔所為稽首具拜稱弟子而去處士寤亦失厥疾矣

古詩

謹瘡鬼

韓愈

昏昏水帝魂謝謝無餘輝如何不自子尚奮瘡鬼威乘秋作寒  
熱翁媪所罵譏求食嘔洩間不知臭穢非擊師加百毒熏灌無  
停機灸師施艾炷酷若獵火圍詛師毒口牙舌作霹靂飛符師  
弄刁筆丹墨交橫揮咨汝之胃出門戶何巍巍祖軒而父頊未  
昧於前微不脩其操行賤薄似汝稀豈不忝厥祖視然不如歸  
湛湛江水清歸居安汝妃清波為裳衣白石為閉畿呼吸明月  
光手掉芙蓉旗降集隨九歌飲芳而食菲贈汝以好辭吐汝去

莫遲

謝瘡鬼

陳子高

皇天分四時寒暑代翕張折膠與流金民生以為常伊坎離何  
神為帝司一方如何縱孽鬼乘時盜陰陽睚眦四五輩歛東西  
跳踉詭似各有名為入作炎涼或燔以炬火或吹以鞴囊初噤  
如立雪俄赫如探湯炎洲抵隄壑那得在二床閔伯追實沈左  
右分冠攘頂更異冬春裘扇安可當番休數汗栗水炭沸我腸  
佛鬱不自聊災疾未渠央非針艾所及區區事所獲犧牲一物  
無祝祠甚荒唐慙慙謝衆鬼汝計誠未良汝利在嘔泄藜莧焉  
足嘗我貧之錢財調汝徒披猖來汝豈不聞儒生類彊梁子美  
雖老瘦覩顏事新粧退之稍姦黠首藥更臭香身病易語言咄



咄多誘傷吾將授此劍勉作新詩真詩以榮汝歸自可拾糗糧  
資送於汝足此外何所望汝也寧不懸急急去我旁  
詩話

讀詩愈瘡

詩話云有病瘡者子美曰吾詩可以療之病者曰云何曰夜闌  
更秉燭相對如夢寐其人誦之瘡猶是也杜曰更誦吾詩云子  
璋髑髏血模糊手提擲還崔大夫其人誦之果愈漁隱叢話世  
傳杜詩能除瘡此未必然蓋其辭意典雅讀之者脫然不覺沉  
疴之去寐也而好事者乃曰鄭廣文妻病瘡子美令取子落月  
滿屋梁猶疑照顏色一聯誦之不已又令取虵髯以太宗色映  
塞外春一聯誦之不已又令取子璋髑髏血模糊手提擲還崔

大夫一聯誦之則無不已矣此殊可笑借使瘡誠有鬼若知杜  
詩之佳是賢鬼也豈復屑屑求食於嘔泄之間哉觀子美有詩  
三年猶瘡疾一鬼不銷亡隔日搜脂髓增寒抱雪霜徒然潛嘔  
地有靦屨鮮粧則是疾也杜陵正自不免

瘰疾

羣書要語 頸處險而瘰齒居晉而黃 嵇叔夜養生論

詩曰瘰木杯形贅補瘡刺得來 陸龜蒙

古今事實

號智囊

樗里癭疾滑稽多智秦人號曰智囊



發憤生癭

魏賈逵在弘農與典農校尉爭公事發憤生癭自啓願令醫割  
癭大祖惜遂報曰吾聞十人割癭九人死逵奉行其意而癭愈大

瓠繫狗頸

晉杜預初攻江陵吳人知預病癭憚其智計以瓠繫狗頸示之  
每大樹似癭輒斫使白題曰杜預及城平盡捕殺之

割癭即死

南史朱齡石傳鼻蔣氏頭有大瘤齡石伺暇密割之即死

項安節相

神宗嘗夢入大第有植牌以金填字曰宰相項安節寤而求之  
乃太學生也慈聖解之曰項安節即吳充也於是正憲為相頸

有瘡焉而項生布衣至今朝散郎 石山談叢

古今文集

古詩

汝癭和王仲儀

王介甫

汝水出山險汝民多病癭或如烏糞滿或若猿嘯並女慙高掩  
襟男大闊裁領飲水擬注壺吐詞侔有梗樗里既已聞杜預亦  
不幸秦人號智囊吳瓠掛狗頸臘脯嘗柱頤徐行安及脛祗欲  
仰問天無由俯窺井挾帶歲月深冒犯風霜冷厭惡雖自知割  
剖且難肯不惟羞把鏡仍亦愁弔影內瘵煩羊醫外破廢針頰  
在木曰楠瘤刻之可曰血此誠無所用既有何能屏臙臙則元  
首臙腫異顛頂難將面目施可與肥胎逞賢者臨汝守世德調



金身氓俗雖醜垂教今日脩整風化恐隨改晨昏憂屢有儻欲  
觀慈顏名城不難請

*[Faint bleed-through text from the reverse side of the page, including characters like '金身', '氓俗', '醜垂', '教今', '日脩', '整風', '化恐', '隨改', '晨昏', '憂屢', '有儻', '欲觀', '慈顏', '名城', '不難', '請']*

3

u r



早稲田大学図書館

011488505540